



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum, quàm recentiorum placitis complectentia. Opus methodo novâ, & clarâ in tres digestum Partes ... accuratè, ac copiosè instructae

De Beneficiorum Ecclesiasticorum Natvra, Ereptione, Qvalitatibvs Ad Ea Obtinenda Requisitis ...

Leuren, Peter

Coloniæ Agrippinæ, 1704

423. An distributiones securè transmittantur ad hæredes, ut alia bona patrimonialia Clericorum.

[urn:nbn:de:hbz:466:1-74477](https://nbn-resolving.org/urn:nbn:de:hbz:466:1-74477)

interpretationes. *Garc. n. 454.* quem leges utiliter, ubi & in *seq. numeris*, ubi tractat, qualiter tertia illa pars fructuum singularum praebedarum, Canoniatuum &c. separanda & in distributiones convertenda, & quid circa haec observandum.

3. Quod verò dictum in prima responsione, portionem absentium spectare ad Ecclesiam, ita procedit, ut si ex patrimonio, & bonis Ecclesiae, cui ministratur, dentur redditus & distributiones istis ministris, nulla facta divisione reddituum inter ipsam Ecclesiam, & ejus ministros recidat seu spectet haec portio absentium ad hanc massam seu patrimonium Ecclesiae indivisum. Si verò patrimonium Ecclesiasticum divisum est in duas partes, quarum una sit Ecclesiae ad ejus fabricam, ornamenta, aliaque necessaria, altera ad ministrorum victum, & mercedem destinata, qualis est, & dicitur mensa capitularis, portio absentium cedit in hoc commune patrimonium ipsorum ministrorum, & manet in ipsa mensa capituli, & massa communi, ex qua dantur hujusmodi distributiones dividenda inter omnes residentes pro suis praebendis, & rata temporis residentiae *Garc. n. 447.* citans *Covar. c. 13. n. 7.* *Jo. Guttier qq. can. l. i. c. 1. n. 107.* & fufam Rotae decisionem.

4. Respondeo tertio: idem dicendum de dictis fructibus, nimirum, quòd, dum in Ecclesia non sunt praebendae distinctae, nec est facta dicta divisio reddituum inter Ecclesiam & ejus ministros, sed dantur praebendae & redditus, assignatae cuilibet certa portione, fructus à non residentibus amissos pertinere ad ipsam Ecclesiam: si verò est massa communis beneficiatorum distincta à patrimonio Ecclesiae seu fabricae, inter residentes pro eorum praebendis dividenda, portio fructuum amissa ab absentibus, manet in dicta massa communi. Quòd si autem praebendae realiter sunt distinctae, ita ut qualibet sit domina suae dotis, fructus dicti amissi applicandi sunt fabricae Ecclesiae, quatenus eget, vel alteri loco pio pro Ordinarii arbitrio. *Garc. n. 449. & 450.* citans eisdem *Covar. & Guttier.* Neque his obstant declarationes quaedam S. Congregationis apud *Garc. n. 432.* absolute dicentes; distributiones male perceptas, vel alias amissas esse restituendas fabricae, quatenus eget, alteri loco pio, cum intelligantur de distributionibus male per eum perceptis, qui fuit habitus pro praesente à capitulo, vel cui ea remissa, adeoque bene dicitur non obvenire illas capitulo, sed fabricae; cum capitulum dando perperam illam licentiam abessendi, hoc facto sibi praedjudicavit. *Garc. n. 452.* Ubi tamen aliqui capitularium non consenserunt in talem licentiam datam, non videtur praedjudicatum his non consentientibus, sed solum majori parti consentientium, ut *Garc. n. 456.* videtur etiam dictum praedjudicium intelligendum respectu distributionum ac fructuum jam traditorum ei, cui licentia vel remissio facta est; si enim nondum soluti sunt illi, potest & debet capitulum negare, & impedire solutionem, non obstante data licentia & facta remissione à toto capitulo; nec videtur posse fabrica Ecclesiae, alteri locus pius ad huc pretendere jus ad illos; cum nondum sint ei cum effectu traditi. *Garc. n. 457.* salva tamen mente S. Congregationis, quam sic interpretatur, & cui hanc ipsam suam interpretationem submittit; dumque eadem declarationes dicunt, tales non residentes privandos fructibus, & hos applicandos Ecclesiae, loquuntur de iis fructibus, quos tales absentes ratione praebendae & residentiae fecerunt, aut

fecissent suos; non verò de iis, quos non residendo amiserunt, seu non fecerunt suos; quoad hos enim non est opus privatione. *Garc. n. 453. & 454.*

Quaestio 423. Pro clausula materia de distributionibus, num ea secure transmittantur ad heredes, ut alia bona patrimonialia clericorum?

Respondeo affirmative de iis distributionibus quotidianis massae grossae, ut vocant, quae quotidie, vel etiam in fine anni, vel statis temporibus fieri solent, quaeque debentur ratione servitii & interessentiae; in effectu enim non sunt fructus, neque emolumenta beneficii, sed purum salarium, & merx laboris; dum verò obveniunt ratione solius Canonicae, utpote surrogatae in locum praebendae, loquendum de iis quoad hoc punctum, uti de fructibus beneficii *C. de Luca de benef. d. 100. n. 13.*

Quaestio 424. Qua poena decreta in eos, qui dignitates vel Canonatus, praebendas aut portiones, in Ecclesiis Cathedralibus aut Collegiatis obtinentes sine legitima facultate absunt, seu non resident?

1. **R**espondeo: in *Trid. sess. 24. c. 12.* sic statui: *Primo anno* privetur unusquisque dimidia parte fructuum, quos ratione etiam praebendae, ac residentiae facit suos. *Quod si iterum eadem fuerit usus negligentia,* privetur omnibus fructibus, quos eodem anno lucratus fuerit; crescente verò contumacia, contra eos juxta *SS. Canonum constitutiones procedatur &c.* quae exstant in *tit. de cler. non resid.* nempe si tales perseverent in absentia, privandi sunt etiam beneficiis, ut habet *S. Congregatio ad cit. c. 12.* & tenent *Parisi. Gomez. &c.* apud *Garc. Vide etiam hanc in rem duas constitutiones Pii IV. & Urbani VIII.* quas refert *Fagn. in c. ult. de cler. non resid. n. 11. & seq.* circa quae notanda sunt sequentia.

2. *Primo* iisdem poenis teneri Canonicos, qui majori officio sunt adstricti, quam de quo in dicto decreto statuitur. *Garc. cit. c. 2. num. 144.* juxta *S. Congregat. declarat.*

3. *Secundo*, quòd tales, etiam moniti, non possint hodieum statim privari, sed primo anno, & prima vice solum privandi sunt dimidia parte fructuum, quos fecerunt suos, *Garc. n. 140.*

4. *Tertio*, ad praedictam poenam privationis fructuum non esse opus monitione, nec etiam intimatione, ut deserviant, juxta dictum decretum *Trident.* sed si abfuerint ultra tres menses, esse citandos, ad allegandum, quare non debeant puniri secundum hoc decretum; ita *S. Congregatio apud Garc. n. 145.*

5. *Quarto*, bonum iudicem arbitrari oportere, quanto tempore debeat ultra tempus permissum absentes expectare, antequam contra eos poenas exequatur: eadem, sacra *Congregatio ibid.*

6. *Quinto*, poenam istam non posse remitti ab Episcopo, cum non possit dispensare contra Concilium. *Garc. n. 149.* citans *Navar. consil. 3. de cler. non resid.* posse tamen ab eo ante sententiam ex causa minuti, vel augeri. *Garc. num. 150.* juxta *declarat. S. Congregationis & Tiraq. de poenis in praefat. à n. 16.*

7. *Sexto*, Episcopum peccatum, si absque iusta causa dissimularit talem absentem punire. *Garc. n. 151.* *Navar. loc. cit. n. 2.*

8. *Septimo*, quòd si tamen Episcopus taceat, & dissimulet, & non privet, non teneri absente illos, quos aliam fecit suos, restituere in foro conscientiae, cum

nemo